

TUZAMK PRESS

press release tuzlanskog auto moto kluba # 40

mart 2016.

ALMIR BAJRIĆ DOBIO PRIZNAJE ZA USPJEH U KARTING SPORTU U BiH



Iako u posljednje dvije godine nisu održavana zvanična takmičenja za Šampionat BiH u karting sportu, Almir Bajrić, karting takmičar kluba i dalje plijeni pozamašnim i jedinstvenim dostignućima u ovom sportu. Pored bezbroj pobjeda i zlatnih medalja u na domaćem i međunarodnom terenu Almir je u svojoj karijeri karting sporti-

ste osvojio šest uzastopnih Šampionata u Bosni i Hercegovini i to u generalnom plasmanu takmičenja i za taj uspjeh nagrađen je u dva navrata sa najvećom titulom u karting sportu Zlatna kaciga. Postigavši jedinstven uspjeh šestostrukog šampiona države imajući u vidu sve auto sportove kod nas stekao je uslove i osvojio Platinastu kacigu koja je visoko prestižna titula u ne samo u karting sportu i koja je dodijeljena je prvi put u BiH. Ovih rezultata prisjetili su se u časopisu BHTEMPO09 te Almiru Bajriću dodijelili posebnu plaketu kao najboljem sportistu u auto sportu za 2015. godinu. Plaketa mu je dodijeljena na svečanosti dodijele priznanja svim sportistima koji su svojim rezultatom dali doprinos razvoju i afirmaciji sporta.

ODRŽANA SVEČANA SJEDNICA BIHAMK-A



Početkom februara već tradicionalno održana je svečana sjednica BIHAMK-a na kojoj su uručena priznanja zaslужnim članovima za razvoj Kluba. Na prijedlog Tuzamk-a srebrnu značku dobio je dugogodišnji aktivista Kluba **Behlilović Mustafa**. Značku mu je uručio Romeo Zelenika, član Upravnog odbora BIHAMK-a. Srebrnu plaketu dobila je **Osnovna škola Podorašje Srebrenik** za postignute rezultate u saobraćajno obrazovnim takmičenjima Tuzlanskog kantona.

AKCIJA "ZIMA 2015" - KONTROLA PRIPREMLEJNOSTI VOZILA ZA ZIMSKE USLOVE VOŽNJE



U periodu novembra mjeseca 2015. godine Tuzmak je u okviru BIHAMK-ovog gođišnjeg programa realizovao akciju preventivne kontrole tehničke ispravnosti i pripreme motornih vozila za zimske uslove vožnje pod nazivom "Zima 2015". U okviru akcije u radionici Tuzamk-a vršena je kontrola tekućina (tekućine za hlađenje, tekućinu akumulatora, motorno ulje,...), kontrola pneumatika, kontrola svjetala i svjetlosne signalizacije sa kontrolnim i signalnim uređajima, kontrola uređaja i opreme koji omogućuju normalnu vidljivost iz vozila i kontrola obavezne i zimske opreme.

U Tzli je pregledano nešto manje od stotinu vozila vozila od čega je ustanovljena neispravnost na otprilike 40% vozila.

Nakon analize rezultata akcije utvrđeno je da se najveći broj neispravnosti uočenih tokom trajanja akcije odnosio na neispravnosti na gumama sa učešćem od 38% od ukupnog broja neispravnih vozila, zatim na električnim uređajima i signalizaciji 34%, dok su na trećem mjestu neispravnosti na motoru i pratećim uređajima

sa učešćem od 25%. Ono što je posebno zabrinjavajuće, a što je uočeno tokom akcije jeste činjenica da čak 20% od ukupnog broja kontrolisanih ne posjeduju obaveznu opremu u vozilu, pri čemu nešto više od 15% vozila nije imalo lance za snijeg. Posmatrajući pojedine neispravnosti važno je napomenuti da su kontrolisana samo putnička motorna vozila metodom slučajnog uzorka i da uzorak kontrolisanih vozila nije adekvatno reprezentativan ali može biti pokazatelj stvarnog stanja. Upoređujući dobijene podatke sa podacima prikupljenim u ranijim BIHAMK-ovim sličnim akcijama može se zaključiti da je stanje sigurnosti putničkih motornih vozila na približno istom nivou kao i prših godina, s tima da su vozila na Tuzlanskom kantonu nešto ispravnija u odnosu na druge kantone. Međutim, ukoliko posmatramo procentualno pojedine neispravnosti na vozilima, koje imaju izuzetan uticaj na sigurnost vozila posebno u zimskim uslovima vožnje (obavezna zimska oprema, gume, svjetlosno-signalni uređaji, ...), može se ipak zaključiti da je tehnička ispravnost vozila na cestama nezadovoljavajuća.



ODRŽANA RADNO SVEČANA SKUPŠTINA TUZAMKA



Sredinom marta održana je u prostorijama TUZAMK-a radno svečana sjednica Skupštine. U okviru programa Skupštine osim standardnog dnevnog reda na kojem su razmatrani Izvještaji o radu i finansijama te program rada sa planom finansiranja, posebna tačka dnevnog reda bila je posvećena najznačajnijem projektu Kluba - izgradnji objekta baze BIHAMK-a za koji su već podneseni zahtjevi za izdavanjem urbanističke dokumentacije.

U svečanom dijelu sjednice obavljeno je dodjeljivanje nagrada i pehara pobjednicima Tuzlanskog auto karting kupa i proglašavanje najboljih takmičara kluba u ocjenskoj vožnji spremnosti.

Najbolji takmičar TUZAMK-a u 2015. godini je Nihad Atiković koji je i aktuelni šampion države u ocjenskoj vožnji spremnosti



u drugoj klasi. Drugo mjesto pripalo je državnom prvaku u klasi invalida Sejfi Muhiću, a treći je bio Nedim Atiković.

Najsimpatičniji dio ove manifestacije bila je dodjela pehar i diploma najboljim učenicima karting kupa.

Najbolji takmičari klase 1 bili su : Melina Tučić, Amir Ajdaslić i Muharem Bureković. Uklasi 2 najbolji su : Dino Mujanović Sandro tešanović i Anis Ajdaslić.

Na kraju posebno priznaje kao pobjednik cjelokupnog kupa dobila je Melina Tučić. Ujedno Almir Bajrić dobio je klupsku go-dišnju nagradu - odnosno priznanje za do-sadašnje postignute rezultate u karting sportu koji se za dugo vremena neće ponoviti kod nas.

Na kraju nastavljeno je druženje uz harmonike i pjesmu do kasnih sati, a ono što je bitno sjednici Skupštine prisustvovali su svi delegati, ali i daleko veći broj gostiju koji su uveličali svečani trenutak dodjele nagrada.

